



14
1544
159



14
1544
159

羅江志

羅江志

49
1599
159

羅江志

羅江縣志序

羅江縣舊無志乾隆九年邑令秀水沈公潛延余先君石亭公纂修時兵燹初定並無書籍可考又急於卒役不及細訪前代名家著述今百餘年來

本朝文教光昌大開四庫全書重修永樂大典於是乎內府秘藏幾乎家有其書矣此縣志之所宜亟亟也調元自歸田以來杜門讀書念日月之已逝恐文獻之無徵若不繼前志而補前缺恐一旦填溝壑咎將誰歸爰取先君所纂舊志遍加考訂又復於登山臨水之餘坐小輿攜胥史由本州五邑山巔水涯凡有半

碣殘碑自明以上者莫不手自摹搨家故有萬卷樓
又復獺祭漁獵夜以繼日互相校讐並取州邑舊治
去其無徵摘其可據歷三寒暑以成此書其每條俱
載原書之各用朱竹垞日下舊聞例也其所採金石
文俱照式繪圖於旁其門則分沿革城池縣署各宦
各署城內東鄉南鄉西鄉北鄉人物節孝道釋技術
土產共十五門獨不編藝文一門俱附見於各勝古
蹟之後以便查閱皆低一格其拙作詩文亦間錄於
後至調元偶有考證則低二格附按焉共十卷此書
原名梓里舊聞因裁縣改州不言縣志今因復設羅

江故仍曰縣志其但言稿而不言撰者蓋欲俟諸賢
大夫他日纂修古綿總志以備芻蕘之一採也嘉慶
七年九月重陽前一日甬村老人李調元時年七十

夫夫... 曰... 其... 不... 自... 始... 矣...

羅江縣志卷一

邑人李調元雨村稿

沿革

羅江縣禹貢梁州之域秦豳分野秦屬蜀郡漢涪縣地
晉末置萬安縣屬梓潼郡宋齊因之梁末移治潺亭改
曰潺亭縣西魏復曰萬安置萬安郡隋開皇二年郡廢縣屬
綿州唐因之天寶元年改曰羅江宋元明仍舊編戶三甲
清類天文分野之書

晉綿州歌豆子山打瓦鼓陽平關撒白雨白雨下娶龍
女織得絹二丈五一半屬羅江一半屬元武晉詩

按明曹學佺名勝志羅江兩水相蹙成羅紋因以爲名及考宋地輿廣記則疑羅江卽潯亭又云有羅瓚化江因以爲名迄無定論今按晉詩一半屬羅江則江名羅江早見于晉不始于唐矣或者江先名羅然後各縣歟

羅江縣綿州西南七十八里舊二十鄉今十鄉本涪縣地晉于梓潼水尾萬安故城置萬安郡隋廢屬綿唐改

羅江縣 太平寰宇記

緊羅江州南七十里一十鄉黃鹿金山石凍三鎮有金山羅江湍水 元豐九域志

按唐改羅江縣亦設羅江驛見唐唐彥謙羅江驛詩云數枝高柳帶鳴鴉一樹山榴自落花已是向來多淚眼短亭回首在天涯 全唐詩

城池

羅江舊無城明成化初知縣盛景築土城正德中僉事郝縉督知縣陳堯臣包砌以石高一丈五尺周四里三分計七百七十四丈門四萬歷中知縣丁澤繼修後毀于寇國朝順治初知縣陳鎬羅縉重修十六年併入德陽雍正七年復設 大清會典 十三年知縣王榮命捐修東西二門乾隆三十二年知縣楊周冕重建估修 舊縣志

縣署

羅江縣治明成化中建本朝雍正八年知縣王榮命重修直隸綿州州治於康熙三十一年涪江水溢滄州城東北之半乾隆三十二年涪水復溢城壞于水者十之七三十四年川督阿爾泰因裁州屬之羅江縣徙州治焉領縣分四德陽安縣綿竹梓潼而改舊州爲金山驛嘉慶七年六月勒公保奏該州仍回舊州復設羅江縣治

羅江縣署前石屏銘

萬歷三十年壬寅歲仲春之吉知羅江縣事直隸龍

舒少岡姚謨捐俸勦石屏於公署之前落成乃題其銘於屏上爲石屏銘雖所以自警亦所以告後之承是邑者銘曰民爲邦本本固邦寧設守保障有如斯屏捍災禦患衛國蔽民王家柱石蒼靈鉅鎮維茲屏立欣慕聖訓君子學道則能愛人厥道維何禮樂教行禮以飭躬樂以養情慈祥豈弟卓哉著明隨在皆學隨在皆政冰淵其事金石其心百爾財用膏脂相憐民吾赤子無告尤兢政多撫字刑戒濫濫鋤強植弱革弊親仁鑒茲前屏用儆官箴見道于屏作我法程絃歌遺範敢步芳聲後有君子三復屏銘

俸廉

羅江係首衝知縣養廉九百兩俸銀四十五兩本縣驛馬三十疋歲支草料棚槽例斃銀八兩

倉庫

常平倉向無積貯添採買四千石鹽稅銀二百一十二兩一錢七分二釐八毫茶課稅銀二兩五錢

糧銀

新舊承糧花戶陳世英等一千一百六十六戶糧銀三千八百二十兩三錢四分以上俱大清會典

名宦

唐何易于明盛景二人有傳

唐知縣何易于傳易于嘗為益昌令縣距刺史治所四十里城嘉陵河南刺史崔朴嘗乘春自上游多從賓客歌酒泛舟東下直出益昌旁至則索民挽舟易于即腰笏上下刺史驚問狀易于曰方春百姓不耕即蠶隙不可奪易于為屬令當其無事可以充役刺史與賓客跳出舟偕騎還去益昌民多即山樹茶利私自入會鹽鐵官奏重摧筦詔下所在不得為百姓匿易于視詔曰益昌不征茶百姓尚不可活矧厚其賦以毒民乎命吏剋去吏爭曰天子詔所在不得為百姓匿今剋去罪愈重吏止死明府公一有寧字免竄海裔耶易于曰吾寧愛一身

以毒一邑民乎亦不使罪蔓爾曹即自縱火焚之觀察
文粹使聞其狀以易于挺身為民卒不加劾邑民死喪
作風子弱業破不能具葬者易于輒出俸錢使吏為辦百姓
入常賦有垂白僕杖者易于心召集一本下食問政得
失庭有競民易于皆文粹親自與語為指曰枉直罪小
者勸大者杖悉立遣之不以付吏治益昌三年獄無繫
民民不知役改綿州羅江令其治視益昌是時相國裴
公刺史休出鎮綿州獨能嘉易于治嘗從觀其政導從
不過三人其全一作易于廉約如是
孫樵曰會昌五年樵過一作出益昌有能言易于治

狀者且曰天子設上下考以勉吏而易于考止中上
何哉樵曰易于督賦如何曰上一作請常一作貸期
不欲緊一作繩百姓使賤一作出粟帛督役如何曰
度支費不足遂出俸錢冀優貧民饋給往來權勢如
何曰傳符外一無所與擒盜如何曰無盜樵曰予居
長安歲一作年聞給事中校考則曰某人為某縣得上
上下下考由考一作某人得某官問其政則曰某人能
督賦先期而畢某人能督役省度支費某人當道能
得往來達官為好言能擒若干盜反若干盜一無上
縣令得上下考者如此邑民不對笑去樵以為當世

一下有上位者皆知求才一作財字為切至如緩急補吏則曰吾患無以共治膺命舉賢則曰吾患無以塞詔及其有之知者何人哉繼而言之使何易于不有得於生必有得於死者有史官在經緯集

知縣二白大信永徽五年任知縣三韋德貞元二十一年任

折脚水灌田

宋知縣一陳覃奉旨以兵馬監押知縣事見茅亭客話

知縣二宋嘉彥嘉祐三年署羅江縣事詳見潺亭廟碑

記

明知縣盛景傳景字允高吳江人景泰二年進士即授

御史至通州會都御史王翺召入與同宿察院景不為之下翺使人出外景遽鑰其門不得入翺慊之景帝時以災異求言諸御史以奏稿示之景曰老生常談耳我當為之時上頗事游宴景族父叔以御醫出入禁中知其事家燕言及之景即以入疏如造龍船撒銀豆者數事疏入外不報一日有旨召都御史蕭鎡至左順門太監舒良王誠皆盛怒曰上欲取汝首鎡曰某何罪而至此良曰汝教御史妄言鎡曰御史以言為職不關白其長令鎡有過御史猶將劾之鎡能禁之邪取首之言果出於上乎不然是太監偽傳詔旨也且禁門何地太監

乃背闕而坐吾且以聞二人愕然乃好譏之磁出召景
 問禁中事密汝何自知之曰聞之族叔叔大懼欲死而
 景自如曰必不至死重則戍邊耳其疏竟留中察山東
 政以災傷上疏乞蠲民所負孽息巡按廣瀧水賊起景
 單騎諭降之効巡撫侍郎揭稽不法稽坐左遷見震澤紀聞
 六年七月以時多災異偕同官倪敬等上言府庫之財
 不宜無故而予遊觀之事不宜非時而行曩以齋僧屢
 出帑金易米不知櫛風沐雨之邊卒趨事急公之貧民
 又何以濟之近聞造龍舟作燕室營繕日增嬉遊不少
 非所養聖躬也章綸鍾同直言見忤幽錮逾年非所以

昭聖德也願罷桑門之供輟宴佚之娛止興作之役寬
 直臣之囚帝得疏不懌下之禮部部臣稱其忠愛帝報
 聞然意終不懌未幾詔都御史蕭維禎會同冢宰王翱
 考察其屬諭令去之御史罷黜者十六人而敬景與焉
 皆謫為典史以景浮躁改廣西古田典史景雋爽負氣
見明史倪敬盛景合傳其去蓋猶以朝故也辭院長咸惜之景曰
 此于景雖怒尚存一史字也嘗賦詩曰縣門如水倚崢
 嶸租稅無多訟亦清有酒可斟詩可詠也無官長要逢
 迎天順改元調羅江知縣所至皆有山水之勝韓都承
 熙謂王曰九臯不知人要安排足下宜置諸車馬鞞鞞

之地乃置諸山水間耶景答以詩曰才劣豈宜居要地
性慵只合對青山銓曹自有知人鑒一度移官一度間

見莫氏語林

初量移四川羅江令都御史曹泰甚禮重之時

四川盜起泰因入朝求去位景上疏言致盜由泰乃委
之而去可乎泰至吏部時翽為尙書問蜀中官吏之賢

者泰首舉景翽笑曰彼言公短而公乃稱其長可謂無

私矣

見震澤紀聞

時羅江縣歲早教民鑿池一千二百五十

餘所遂為永利德陽寇趙鐸僭稱趙王流劫郡縣景伏
奇兵遮擊大敗之邑以完民為立生祠於羅真觀擢叙
州府戎人琪筠高土狃叛朝廷遣將討之前軍遇賊稍

却景在後笑之矢着兩耳戰益力賊驚亂官兵乘之遂

大克以耳創甚致仕後追理前勞遣使資金幣寶鈔賜

于家景孝友自叙州還置第郡城呼兄弟共居之又迎

養姑姊之無衣者至今鄉族猶稱之云

見蘄州府志

羅江縣公署後有土地祠前令所在頗著靈異令有事
必禱焉祭享無虛日自景蒞任不復然一日私解失所

畜雞尋之乃在神前舒翼伏地如被釘者以問輿皂輩

皆言神以久不祭故見譴耳景怒至神祠斥數其神因

舉意欲毀之是夜夢中見神來謝罪懇曰余血食於此

者累年不敢為過昨日雞被釘乃鬼卒輩苦飢故為之

非余敢然也公幸憐之勿毀景不許明且遂撤之其前
令者既秩滿即留家于縣署後夜夢神來訴乞立廟詰
之曰何不更訴新令神蹙額曰須公自為之耳彼盛公
嚴威不敢干也令乃即所居旁建祠祀之 堯山堂外紀

接近時秀水盛百二袖堂筆談云家御史羅江署
後廟神事又見李漁村良齋筆記自非虛言以是
觀之邪不勝正自古然矣惟自顧此心有一毫打
不過在先自餒矣君子所以貴集義也

知縣 二 汗駟 成化十三年任見馬馳寺藏身碑記 知縣 三 陳堯臣 正德年間
任見四 知縣 四 張綸 與平人知羅江有爭田久不決者鞠之得其情帖然平服
川通志

知縣 五 鍾嘉福 江西人見四州通志 知縣 六 丁澤 萬歷年間

本朝知縣一 毛相主 順治八年任 知縣 二 陳鎬 順治十年任

知縣 三 羅綸 同時署

順治十六年羅江併入德陽改縣為驛

雍正七年復設羅江縣

復設知縣 一 王榮命 直隸舉人雍正八年任 知縣 二 李德瀚 山西

歲貢乾隆初年任 知縣 三 田朝鼎 石門人乾隆四年八月任 知縣 四 王

嘉會 江南上元人乾隆七年任 知縣 五 沈潛 浙江秀水人字亦昭

乾隆九年任延石亭公纂修羅江志平白馬關路教民
耕織先是羅民不知蠶事資州知州張文嵐輯有農書

一卷奉布政刊行並附以蠶桑說詳明樹桑育蠶之法
並造蠶筐架頒於民間民甚賴之在任三年卒民為塑
像於城隍廟左廡至今祀之 知縣六 孫法祖 字克家
人乾隆十五年 知縣七 葉鑒 崑山人戊辰進士乾隆

任修文峯南塔 知縣八 謝自沁 雄縣舉人乾隆
知縣九 楊周冕 雲南黔
蒼舉人乾隆三十年任善集黃華書修雙江書院及奎

星閣羅自順治庚子科余昌宗登榜後中者寥寥至是
蟬聯登科甲者接踵焉

乾隆三十四年裁羅江縣知縣以綿州移駐

知州一 黃叔顯 廣東連平州進士由翰林院庶吉士歷
陞綿州知州乾隆二十五年到任以命

案掛誤歸 至夔州平 知州二 博 純 蒲州人乾隆三十九年任
未幾內陞復放川北道

知州三 張官五 浙江蕭山人由監生捐職乾隆四十
八年任陞長沙府知府未幾獲罪去

知州四 嚴作明 浙江餘姚吏員乾隆五十二年署
捷為縣調署未幾填入法罷官去

知州五 沈念茲 字謹菴浙江歸安人由汶川令陞題綿
州隨鄂將軍輝大營至烏斯藏有功乾

隆五十四年回任 現陞龍安府知府 知州六 陸 鼎 錢塘監生乾隆五十
六年署任未幾卒

知州七 潘邦和 字詡菴吳縣人由監生歷任富順縣
乾隆五十七年復回縣告老回籍

知州八 王鳳儀 字雲浦廬陵人進上乾隆六十
年陞雅州府校建昌道署任

知州九 劉印全 字慕陔江南武進人乾隆壬辰進士由

資陽令陞合州駐藏三年復陞綿州嘉慶初年到任絕
苞苴嚴盜賊五年庚申正月十五日教匪偷渡嘉陵江
將逼涪城公即日自捐一千金米五百石身先士卒日
夜搶築石城堵禦其難民入城避賊及渡江得活者不
下萬人俱呼劉青天各各踴躍情願捐資衆修絲毫不
累帑項公又前後自捐及民捐幾及萬兩俱用大方石
砌城賊去來兩次俱不敢逼城遂保全皆劉公力也于
是州民詳請勒公保奏請正印回綿嘉慶七年六月奏
准部文始到各官俱各回舊任先是署羅江陳公到任
然後劉公到州任其政蹟詳見予捐修綿州城碑記

嘉慶七年六月復設羅江縣知縣

復設知縣 一 陳啓泰字柘林浙江會稽人嘉慶元年冬
由渠縣典史堵禦教匪勦賊有功奉 旨以知縣用七
年綿州移回舊地復設縣治於六月初十日署任

廳署

典史署舊驛丞所居今移治北街西

宋縣尉鄒崇讓 見茅亭客話

明典史羅 勝 與知縣盛景同時見馬馳寺藏身碑記

本朝典史俸銀三十一兩五錢二分養廉八十兩 大清會典

典史 一 劉定旌德人乾隆十年任 見舊縣志 二 張朝

職三 沈文玉以下俟查明再補
嘉慶七年六月復設羅江典史
復設羅江縣典史陳鑑湖北黃州府人嘉慶七年七月
到任

學署

文廟在東大街春秋二祭

羅江縣學治東宋熙寧二年建明成化六年遷至今所
宏治二年增修正德三年知縣盛景重修十二年知縣
羅綸繼修署印都事張道振有遷建學宮詳文及司訓
吳可美遷建儒學碑文

明吳可美遷建儒學碑文謹按本縣儒學墟於元末
兵燹至洪武十六年縣令仍舊址初建三十二年葺
新皆坐北向南成化元年知縣盛景改而東向十八
年縣官汪顒教官徐浩議遷於西南隅去縣治五十
步近市狹隘□□科第寥寂□□□諸生欲易□□
□堪輿指吉於城東因與生員吳國綱易地焉謀遷
□於萬歷三十一年秋暫移二齋爲文廟明倫堂以
定吉壤此不過築室道傍之短策三十二年八月十
九日署印都司都事張諱道振來縣目擊荒蕪不堪
從祀慨然議申且捐俸倡首捐貲成終三三士夫稍

稍助工十之一二且羅民向坐貧瘠無能輸財祇效力協口口黨之中庶民歡樂子來不事催督於此可見人心之至順至靈用是不兩月而隆厦輪奐廟貌重光吁亦神哉第署縣鼎建之力督官鳩聚之能昭昭在人耳目者永不磨滅爾多士其所以奮跡聯鑣步武前芳者恐又不必需特學址之吉蚤暮磨勵以無負提調汪公厚意深有望也尚慎旃哉余愧不能文姑紀其時日以俟後之君子叙其詳云萬歷甲辰孟冬

按此碑今在鄂都廟應移于學宮內

明余學官

明楊慎送余學官歸羅江豆子山打瓦鼓陽坪關撒

白雨白雨下聚龍女織得絹二丈五一半屬羅江一

半屬立武我誦綿州歌思鄉心獨苦送君歸羅江浦

升菴集

本朝羅江縣學訓導俸銀四十兩

大清會典

縣學額本六名乾隆三十五年羅江縣裁併綿州今嘉慶七年復設羅江縣其學額尚未定劉州尊印全以羅江文風為五邑冠懇請上憲加額二名定為八名尙未奉有明文

訓導韓文範乾隆十年任見舊縣志其杜慶乾等皆改州之訓導佚查明再補

嘉慶七年七月復設羅江縣訓導

復設羅江縣訓導李肯堂眉州歲貢嘉慶七年七月任李化楠明倫堂碑記事之亡其實而僅附其名者廢之可也而事之著其名而並存其實者廢之不可也若明倫堂之建非所謂著其名而並存其實而有其舉之莫敢或廢者哉粵稽三代造士之法至詳且備而其設教之地於國則曰學於鄉則曰校庠序而又有小胥大胥小樂正大樂正司徒司馬之官以因時而

簡教之以故士之沐浴詠歌者皆曉然於人綱人紀之重而飭典敦倫期無負選造之至意孟子曰人倫明於上小民親於下不信然哉此明倫堂之所自助也 國家建立學校董以師儒其造士之法直可比隆三代而又屢頒 聖訓諄諄以孝弟爲先無非欲多士之爭自濯磨以共勉於人倫中也第羅邑係新分之縣學宮雖建而明倫一堂實闕不惟司訓者無以進多士而滿業而士之人鬢序者亦將無由顧名而思義曩雖有鼎新之志而寢以不果蓋築室道謀者十餘稔矣幸乾隆乙丑仲夏旌陽闕明府來治吾

羅下車之始目擊學宮曠缺慨然議新之首捐二十金爲士夫倡而司鐸韓君亦量解清橐身率諸生繼其後兩閱月而堂成伐石囑余記其始末余惟斯堂之廢不知幾何年今一念經營而成也忽焉非留心學校雅意作人以振興斯文爲己任者烏能有此繼自今羅人士執經問業博習親師不患無地而登斯堂者目擊道存亦將默動其慈孝友恭之念而不容自己韓子云行之乎仁義之途游之乎詩書之源無迷其途無絕其源於是乎在矣然則斯堂之建豈徒以其名哉

紋江書院

今改雙江

在治南乾隆三十一年知縣楊周冕建

李化楠紋江書院田房記世之學者莫不出教入顧教之於塾與教之於城異教之於塾則人自爲師耳目不廣教之於城則人共爲師見聞日開古人推黨庠州序之遺意合一邑秀民而納之書院者良有由也顧地必爽塏堂必宏敬師必各宿脯必豐厚諸生膏火必以時均給官師考課必以時獎賞然後可羅江雖叢爾邑有明三百年來名賢輩出厥後羅流寇之禍民若晨星文亦天喪吾羅遂以委頓幸奉 聖朝撫綏招徠休養生息百餘年間元氣漸復然而書

院之設前此未嘗議及也滇南楊公來治茲邑為政
精敏而仁恕決獄不事敲朴聽訟務得其情逾年而
境內又安於是以其公餘銳意建修書院以廣教澤
召諸生而與之謀僉曰唯唯時余適以憂歸里公命
偕諸君董其事余以羅故有奎星閣在城南今書院
既設閣宜並舉匪但培補風水之云亦取朱衣文明
之兆公曰然是予之夙心也議既定一切相度地形
規畫可否公為之主余與二三友人贊襄其後甫期
年大工告竣都人士及鄰境之秀者喁喁向風公之
功偉矣抑不知吾羅之感公戴沐膏澤而咏勤苦者

宜何如之浴嗟太息而不忍置也奎閣計三層上塑
奎星及文昌像書院凡四進大門三間二門一間廳
三間講堂五間耳房八間房四間亭子一座池一口
用示壯觀至書院田舊在東村廣興寺者計七十五
畝八分九釐一毫地四十五畝五分一釐一毫每年
收租穀市斗五十七石近從吳家菴撥入者計田二
十五畝二分二釐五毫每年收租穀市斗一十六石
畧村河灘地一十九畝零八釐九毫每年收租銀六
兩北關外新懇田一畝八分每年收租穀市斗一石
六斗公重其事以屬縣尉張君履勘丈量給形定界

另立紋江書院册名歲輸糧銀二兩九錢一分零四毫佃房代納街房門面九間縣署前七間歲收租銀四十六兩二錢書院大門旁二間歲收租銀九兩二錢外有各捐銀二百兩交與值年會首生息以濟膏火用垂永久是役也前署縣尉張君朝職沈君文玉及署儒學訓導王君名佐皆與有勞例得備書云奎星閣在南街前令楊居景建

駐防

駐防署在西街南向

羅江縣志卷二

邑人李調元雨村稿

城內

城隍廟治東大街明吳瑛有記

明吳瑛羅江縣重修城隍廟碑記京師郡邑之有城隍猶夫天下之有民牧守令也位次之崇卑享祀之隆殺亦各隨其所在以為資級其名號則均曰城隍焉夫城者雉堞之目隍者陂池之名凡國於天地間其所恃以保障者籍此焉耳易曰城復於隍勿用師傳曰高城深池徧天下夫險者夷則師不和夷者險

則大勢張故累石爲城而不厭其高穿塹爲隍而不厭其深蓋不如是不足以語城隍云爾假神以是名蓋取其陰佑下民之義也詩曰佻人維藩大帥爲垣大邦爲屏大宗爲翰懷德維寧宗子維城但凡著屏蔽之功扞禦之績者咸可稱是名號以申伯之賢而謂其良翰世勩之畧而目其長城況夫神也者扞大災禦大患以陰佑下民爲職者固宜其稱謂若是也以故取義於彼襲號於此春秋則禮祭於壇災異則祈禳於祠巍然以峙其宮煥然以華其宇使人瞻拜之際洋洋乎如在其上如在其左右也故不得以京

師卑其禮亦不以郡邑寢其制無非安其神棲止法庭以光其陰佑之職而已羅江城隍廟在縣東三百步許經時既久材多毀折且其基隘狹四週民居艱於開拓故耳正德庚辰冬丁侯澤以舉人來治是邑相其廟將改爲之會百弊煩冗不果歷甲申歲物豐民和樂政治畢舉乃料物材乃市隙地乃徵工匠乃課章程朝督夕犒完舊益新鼎建拜廳一神寢一門房一廟廡二垣築百堵松栢雜植鎧杖儀物黝堊丹漆偕作踰冬成然後神得所棲而一時之奇觀奪目於是諸老先生有言者曰神不歆非類人不祀非族

故神之於人也觀其德政而均布福人之於神也因
其職分而享祀行丁侯知羅江齋明正直精潔惠和
其德足以昭其馨香其仁足以和其民人苟無祠之
修焉其精白以承休德者猶將感格於冥漠茲復祇
載益虔祠廟重新則禮夫神者何如也吾聞之惟德
爲能感神惟神扶于有德繼今以後寧不有以啓侯
之衷相侯之治以顯其陰佑之靈者耶衆皆曰諾請
記之以徵厥後也余故首著城隍之說載諸先生之
言如此云大明嘉靖甲申孟夏十五日立教諭滇南
沈森書丹訓導鶴慶陸雲遠篆額德陽張木正刻字

舊縣志

城隍廟左側有明刻祈雨止雨碑明萬歷十五年巡撫
徐頒行知縣吳德元立石

四川等處承宣布政使司爲督撫地方事奉欽差提
督軍務巡撫四方等處地方兵部右侍郎兼都察院
右僉都御史徐憲稟照得本部院巡撫川南地方自
擊天時亢旱雨澤愆期致妨農務已經案行司道州
牧縣令虔誠祈禱去後今照本部院存有春秋繁露
一册向在京師行之輒驗合行發司刊發爲此票仰
布政司官吏卽將發去前書令人謄寫作速刊書書

册通發各該官司如法虔誠祈禱務要挽回天意使
甘霖早沛以便各處農民播種施行奉此刊刻遍發
須至書册者一春求雨法正月二月三月一先於甲
乙日爲大蒼龍一條長八丈今官尺六寸二分居中
央又爲小蒼龍七條各長四丈於東方皆東向其間
相去各八尺以竹織成龍形取吉土填實其中用青
紙糊之髻角耳目爪牙俱全用墨畫鱗遮蓋製完待
臨時用一每月於初八十八二十八日於郡邑東門
之外爲四通之壇方八尺稍高於地卽止植蒼繪八
繪帛也蒼青色以蒼繪爲五方旂樹之於壇旁開池方八深一尺池中

貯水水中錯置活蝦蟆五枚一於壇中設立共工神

位備生魚八尾元酒八大鐘淡酒也清酒八大鐘美酒也

膊八盤脯也又豚肩也脯八盤乾肉也以祭之於道士端公人

役之中擇精潔有體氣滯者不用辯口利詞者以祝祝祀齋

三日臨時穿青衣先再拜乃起而祝曰昊天生五穀

以養人今五穀病旱恐不成敬進清酒膊脯再拜請

雨雨幸大澍所選少童八人卽稚童也皆令先齋三日齋

者不食葷腥不飲酒不食五辛晝夜宿於壇中穿青

衣而舞之田嗇夫卽里老務農鄉民也亦令先齋三日齋如前穿

青而立之又於壇中聚小腳蛇一名蠖蛭生山內澤

中祈禱時多聚此蛇置貯水大缸中折柳枝泛其上
晒於日中得雨卽送還本山又一法取蜥蜴十數條
置水瓮中令童男女折柳枝祝曰蜥蜴蜥蜴與雲吐
霧天下大雨汝歸去一祈雨之人或端公道士但
能事神者集於壇上依科行禱日色雖熾不許張蓋
一旣立壇便將南門闔閉斷人行走置水缸中於門
外一邊頰曉經義道士十數人將木郎神咒誦熟繞
壇念之一每過三日不雨具生魚八尾元酒大鐘清
酒八大鐘膊脯各八盤祀齋三日前人穿青衣先再
拜乃跪而陳設祭品於壇上復再拜乃起祝曰昊天

生五穀以養人今五穀病旱恐不成敢進清酒膊脯
再拜請雨雨幸大澍前選童子八人穿青衣而舞之
齋夫穿青衣而立之又取三歲雄雞三歲豕猪即母猪也
用火燒其尾於四通神宇勿令死又具老母猪二隻
一隻置於北門之外一置於市中令城中各更鋪置
鼓一面聞壇中鼓聲卽逐舖傳入市直至北門各
用火燒猪尾一凡祈雨傳牌示諭城鎮鄉村居民一
於皇歷中查水日各里立社焚香致禱社神一各家
於大門外設香桌水一缸每日祀戶一禁諸人勿伐
古木勿斬山林一里社之溝渠疏浚使與里外之溝

相通一於社中各鑿五池池中貯水水中置活蝦蟇
每池各一枚一將無主屍骸併各家停放屍柩盡令
掩埋一將山谷積水深處開浚疏通一將鯉魚或鱉
以狗血塗抹投於深潭之底一道路橋梁有壅塞不
行者淘決疏通一幸而得雨以猪一隻酒黍一卓不
豐盛也用白茅為席不得斬斷所以致潔此得雨之後
酬神之禮也夏令四月五月一先於丙丁日為大赤
龍一條長六丈居中央又為小赤龍六條各長三丈
五尺尺如前式於南方皆南向其間相去各七尺以竹織
成龍形取潔土填實其中以紅紙糊之髻角耳目爪

牙俱全用紅畫鱗遮蓋製完待臨時用一每月于初
七十七二十七七日為四通之壇於郡邑南門之外方
一丈稍高於地即止植赤繒七各長七尺赤紅於壇
傍開池方七尺深一尺池中貯水水中置活蝦蟇五
枚一於壇中設蚩尤神位備赤雄雞七隻元酒七大
鐘清酒七大鐘膊七盤脯七盤解俱前以祭之於道士
端公人役之中擇精潔有體氣瘠疥者不用辯口利辭者以祝
祝齋三日臨時穿紅衣先再拜乃跪陳設品於壇上
陳訖復再拜乃起祝曰昊天云云四句如前畢所選壯者
七人皆令先齋三日臨時穿紅衣而舞之司空名如無

以道官代之齊夫前解見亦令先齋三日齊如臨時穿紅衣而立之一既立壇便將南門闔閉斷人行走甞水缸中於門外一選頗曉經義道士十餘人繞壇念不郎神咒一每過三日不用其雄雞七隻元酒七鐘清酒七鐘膊脯各七盤祀齋二日前穿衣再拜乃跪而陳祭品於壇上陳訖復再拜乃起祝曰昊天云云西句前選壯者七人穿紅衣而舞之司空齊夫穿紅衣而立之又取三歲雄雞母猪皆用火燒其尾令勿死凡祈雨傳牌示諭城鎮鄉村居民一凡遇水日城市鄉村人家各祀竈神一將井泉淘浚使深勿留汚

濁一將杵日盡搬本家門外置之街路一將各里渠溝疏浚使與閭外相通一於社各鑿五池池中置水中置活蝦蟆每池各一枚一禁各家勿得擅動土工違者四鄰舉首季夏求雨法一禱山林以助之山靈能興雲致雨當禱之以求助一令郡邑徙市於郡邑南門之外五日禁勿得行走入市一於戊巳日爲大黃龍一條長五丈居中央又爲小黃龍四條長一丈五尺以竹織成龍形取潔土填實其中用黃紙糊之髻角耳目瓜牙俱全用黃畫鱗遮蓋製完待臨時用聚巫卽祈雨道人徙於市之旁爲之蓋以覆之爲四通

之壇於中央植黃繪五黃帛為旂各長五尺樹之中央於壇中設后

稷神位備母音模飽五盤元酒五鐘淡酒也清酒五鐘美酒

也膊五盤又豚肩也脯五盤乾肉也以祭之於道士端公

人役之中擇精潔有骨氣瘡疥者不用辨口利詞者以祝祝齋

三日臨時穿黃衣先再拜乃跪而陳設祭品於壇上

陳訖復再拜乃起而祝曰昊天云云四句如前畢所選丈

夫五人皆令先齋三日齋者不食葷腥不吃五辛不飲酒晝夜宿壇

中穿黃衣而舞之老者亦令先齋三日齋如前穿黃衣

而立之一既建壇便將南門闔閉斷人行走置水缸

於中門外一選頗曉經義道士十餘人繞壇念木郎

神咒一每過三日不用具母飽立盤元酒五鐘清酒

五鐘膊脯各五盤祀前齋三日人穿黃衣先再拜乃

跪而陳設祭品於壇上陳訖復再拜起祝曰昊天云

云五句前選丈夫穿黃衣而舞之老者穿黃衣而立

之又取三歲雄雞三歲母猪用火燒其尾於四通神

宇勿令死一凡祈雨示諭城鎮鄉村居民一凡遇水

口令城市鄉村人家各祀竈神一將井泉淘浚使深

勿留污濁一將杵臼盡搬本家門外置之街路一將

各該里社溝渠疏浚使與閭外之溝相通一於社中

鑿五池池中貯水中置活蝦蟇各一枚一令各家祭

中霽中堂土祠勿得擅動土工違者四鄰舉首究治一禁

男子勿得行走入市一幸而得雨以猪一隻酒黍一

卓不令豐盛也以白茅為席不得斬斷以致潔此得雨後

謝神之禮也秋令七月八月九月一先於庚辛日為

大白龍一條長九丈居中央又為小白龍八條各長

四丈五尺尺如前式於西方皆西向其間相去各九尺以

竹織成龍形取潔土填實其中用白紙糊之髻角耳

日爪牙俱全用粉畫鱗遮蓋製完待臨時用一每月

于初九十九二十九日於郡邑西門之外為四通之

壇方九尺植白繒九以白繒為旂各長九尺於壇旁

開池方尺深一尺池中注水水中置活蝦蟇五枚一

於壇中設立太昊神位以桐木刻成木魚九尾元酒

九大鐘清酒九大鐘膊脯各九盤解俱全前而祭之於道

士端公人役之中擇精潔有體氣瘡疥者不用辯口利辭者以

祝祝齋三日臨時穿白衣先再拜乃跪而陳設祭品

于上陳訖復再拜乃起祝曰昊天云云五句如前祝畢前

所選鰥者老而無妻者九人皆令先齋三日不食葷腥酒

併五辛晝夜宿壇中穿白衣而舞之司馬官名如無以

巡撫巡檢或營中軍官代之亦令先齋三日穿白衣

而立之又祈雨之人或道士端公但能事神者集於

壇上依科祈禱日色雖熾不許張蓋一既立壇便將南門闔閉斷人行走置水缸於中門外一選頗曉經義道士十餘人將木郎神咒繞壇念之一過三日不雨具桐木魚九尾元酒九鐘清酒九鐘脯脯各九盤前人穿白衣先再拜乃跪而陳設祭品於壇止陳訖復再拜乃起祝曰昊天云云五句畢前選鰥者九人穿白衣而舞之代司馬者白衣而立之又取三歲雄雞三歲母猪皆用火燒其尾於四通神宇令勿死一凡祈雨傳牌示諭城鎮鄉村居民一禁民家不許焚燬山林不許鉄冶不許將金銀銅鉄之物鎔化一令各

家每日設香案祀門一於社中各鑿五池池中貯水水中置活蝦蟆各一枚幸而得雨以猪一隻酒黍一

棹不令豐盛也

以白茅為席不得斬斷以致潔此得雨後

謝神之禮也冬令十月十一月十二月一先於壬癸日為大黑龍一條長六丈居中央又為小黑龍五條各長三丈尺寸如於北方皆北向其間相去各六尺以竹織成龍形用黑紙糊之髯角耳目爪牙俱全用煤畫鱗遮蓋製完待臨時用一每月於初六十六二十六日於郡邑北門之外為四通之壇方六尺植黑緡為旂各長六尺樹於壇中開池方八尺深一尺池中

注水水中置活蝦蟇五枚一於壇中設立元冥神位
 備黑狗子六隻小乳狗也元酒六丈鐘清酒六大鐘解見前
 膊脯各六盤解見前以祭之於道士端公人役之中擇
 精潔有體氣滄辯口利辭者以祝祝齋三日臨時穿
 疥者不用疥者不用黑衣先再拜乃跪而陳設祭品於壇上陳訖復再拜
 乃起祝曰昊天云云五句祝所選老者六人先齋三
 日不食酒葷併五辛之物晝夜宿壇中穿黑衣而舞
 之尉官名即今之州縣佐二亦令先齋三日穿黑衣
 首領及巡捕之秀者首領及巡捕之秀者而立之一既設壇便將南門闔閉斷人行走置水缸
 中於門外一選頗曉經義道士將木郎神咒繞壇念

之一於壇中假物為舞龍一條令不時而舞之欲其
 不蟄不乖不卧而興雲致雨也一於境內之各山祈
 禱欲求出雲助之一每過三日不雨具黑狗子六隻
 元酒六鐘清酒六鐘膊脯各六盤祀齋三日前人穿
 黑衣先再拜乃跪而陳設祭品於壇上陳訖復再拜
 乃起曰昊天云云五句前選老者六人皆穿黑衣而
 舞之尉亦穿黑衣而立之又取三歲公雞母猪皆用
 火燒其尾於四通神宇令勿死凡祈雨示諭城鎮鄉
 村居民一令各家祀井凡井涇則浚之溝塞則通之
 止雨法一四時雨大多郡縣出示令各居民於皇歷

中擇土日塞水道蓋井禁婦人不得行走入市一郡
邑令人打掃社壇郡邑若知州知縣或同知縣丞吏
與耆夫即各鄉民三人以一人祝禱皆令先齋三日不食
葷酒五辛之物晝夜宿於壇備羊一隻猪一口酒黍
一棹擊鼓三日而祝先再拜乃跪而陳陳訖復再拜
乃起曰天生五穀以養人今淫雨久雨也五穀不和敬
進肥牲清酒以請社靈除民所苦毋使陰滅陽陰滅
陽不順于天天之意當在于利人人願止雨敢告於
鼓鼓而無歌至罷乃止一將里社用紅絲圍繞十週
祝禱者穿紅衣頭戴紅巾以請於社神祝其罷雨一

皆於辛亥之日州縣之社若同知縣丞各主之社今
耆夫吏與里長里人至於社下曰晡而罷晡申三日時也三日
而止如未及三日天大時可必矣亦止之

按董子春秋繁露原文原本求雨第七十四原止
雨第七十五原在十六卷中有明郎瑛註釋甚詳
見七修類稿乃董子原文也蓋當時各省俱有頌
行此特變其文以通俗爾

碑陰

白玉蟾註解木郎神咒乾晶瑤輝玉池東盟威聖者
命青童擲大萬里坎震宮兩騎迅發來大濛木郎太

乙三山雄霹靂破石泉源通坤震與戶皓靈翁猛馬
 四張歛火衝流精鬱光奔祝融巨神泰華登雲中黑
 旛皂燾揚虛空掩雲蒸雨屯雲濃闕伯撼動崑崙峯
 幽靈翻海元冥同馮夷鼓舞長呼風蓬萊弱水興都
 功龍鷹捷疾常禦克朱髮巨翅雙目彤雷電吐毒驅
 五龍四溟戮隸羅陰容一聲四海改昏蒙雨陣所至
 川流洪金光流精斬旱虹洞陽幽靈召靈籙玉雷浩
 師變崆峒虛皇太華掃妖熾羣梁元皇號前鋒祠泉
 恣蜃威天公歛火律令翻穹窿鞭擊妖魅驅蛇蟲勾
 婁吉利炎赫縱登僧澤願悉聽從織女四歌心公忠

扶我救旱助勛隆赤雜紫鵝飛無窮攝虐縛崇送北

鄴勅紫虛元君降攝急急如火鈴太師律令皇明萬

歷十五年歲次丁亥孟冬吉且有德者威召天和固無憂水旱然天時尤

陽不能保其必無錄此以為勸恤民隱之一助云

春去太皞夏去祝融茲祈雨及不奉祀者以木生火夏則人令非所宜祀不如祀共工神能興雲致雨先賢所傳俱有深意

春秋繁露中有祈雨法貯水巨甕雜柳枝聚蜥蜴寢其

上復以木固其泥封令十歲幼童環日夜鞭雨立至此

宣城徐華陽尚書試于蜀中有驗人謂仲舒深于陰陽

五行之說不誣矣湧幢小品

徐元泰字華陽宣城人嘉靖乙丑進士歷順天府尹時

蜀中楊柳塞賊黨擁衆入平齋堡大肆殺掠西川大震命元泰以副都御史巡撫四川泰至破砦三十五斬首二千餘級進壁河西賊乞降明年復遣悉討平之拓地九百餘里以功進兵部侍郎陞南京刑部尙書乞歸卒江南通志

北街有明石坊一書兄弟繼美四字爲吳瓊吳瑛立也關帝廟治西南三百步有前代敬一箴碑今毀鄴都廟在大東街後明初所建卽所謂三遷文廟地也廟有明吳可美建學碑文詳見卷一碑尙未移先君石亭公由乾隆辛酉壬戌聯捷進士歸班候選爲張姓等

延請課徒廟中從者幾及百人先君攜予附課時予未及十歲頗能屬對一日客至見予手持蜘蛛網竿網蜻蛉客出對曰蜘蛛有網難羅雀卽應聲曰蚯蚓無鱗願學龍客大奇之曰此不凡子也言猶在耳今近七十一事無成頭顱如此不凡何在自歸田十八年每憶少時兒戲事自悔自慚深負期望載筆至此不禁淚潄潄也調元重過鄴都廟有感詩此是當年舊書塾童蒙于此課初爰晨興撥草尋虵窟晌晚攀枝探鵲巢每以收威遭夏楚偏于覓句解推敲如今老矣全無用回憶趨庭淚欲拋

鄂都廟前有明御史盧雍羅江八景詩碑

羅江八景詩

泮林古桂

雙玉儒林秀靈根月窟分天香飄太遠多士共清芬

景樂梵鐘

蒼鯨何處吼紺宇翠微抄餘音渡空江下界知昏曉

天臺秀色

城南繡嶺橫嵐翠入江清晴旭霞光爛依稀是赤城

龍洞仙踪

真人上昇去古洞白雲間見說月明裡龍車白往還

馬馳靈井

大旱禱輒雨應知江海通此方常稔歲此井有神功

大霍奇峯

靈表數峯青聞名知大霍神僧久化去石鉢水不涸

波淨羅紋江夜月

波淨羅紋細偏宜夜月明應是江妃織不聞機杼鳴

潺山有澄澤

潺山有澄澤湛湛鑑毛髮特有微波動涼風起蘋末

正德十三年五月立石

四川巡按御史吳人盧雍題

廬雍字師邵吳縣人正德辛未楊慎榜進士授御史武宗北狩督宣府建行宮甚急雍上疏請罷役已清戎畿內長寧伯橫斂繫民雍抗章請釋無辜而還其侵地河間旱奏請免賦減科謫盡出藏鏹貸民全活甚衆按四川首劾巡撫不法一方肅然妖人挾幻術惑衆立擒置法鑿治犍爲之墓願灘温江之三渡以便行舟擢提學副使未任卒雍性嗜學能詩爲李東陽所賞尤喜表章先賢嘗創董子毛公二祠及浣花三陳東坡遺直四書院所著有方舟聯舫二集奏疏詩文若干卷

羅州府志

羅江縣在綿州西南七十里自縣至省一百九十里至

京師四千五百五十里東西距五十里南北距六十五里

京師四百五十里正十里東西長在十里南北寬六十五

里

羅江縣志卷三

邑人李調元雨村稿

四鄉 蓋自四城門出東南西北之四鄉而總言也東至雞鳴橋四十里交綿州界西至廣濟橋十八里交德陽界南至瀆子口三十五里交中江界北至象鼻嘴三十五里交安縣界東南二十里至羅漢塢交中江界東北二十五里交安縣界西南二十五里交中江界西北二十五里至六女堰交綿竹德陽彰明三縣界縣內分為六村縣村東村畧村上村下村新村

東鄉

羅江即東門河也右水自安縣來即安昌水也左水自綿州來即涪水也合流而經此蹙成羅紋縣因以名亦

謂之紋江 方輿紀要

按今東水自安縣石堰子經臭水河過神泉之塔水場來西水自睢水關白溪河兩河口來至北寺台流而南至中江並不與涪水合涪水與龍安水皆歸舊州大江此云涪水誤

芙蓉溪在縣東一里一名蚌溪又名三柴水源出白馬關山下東南曲流十五里至城南入羅江四川通志

東山巔有景樂寺乃唐高宗神龍中所建本名寶明寺宋大中祥符初改今名相傳十三尊者游戲之地也廣

斷碑

邑庠生張元和同室唐氏

男張永程祥發

玉京山景樂宮修砌

神臺一座塑像

川王聖像一尊

沐手謹白

成化八年八月十二

按此碑乾隆五十五年九月道士劉靜虛忽于地掘出字半剝落其可辨者僅四十八字存此可以

知玉京山之所名

調元玉京山訪琴道官劉虛靜時戴劉二生先在步
屨玉京山景樂闕虛做山靜寂無人但聞棋聲響戶
外有屨二排闥竟入幌不復論主賓脫帽同抵掌地
既曲且幽天氣亦清朗秋陽曝人背茶罷汗流頽菊
花翻東籬淥竹映西廡雨肥蕉葉大林深石芝長香
櫟何馥郁乃知此處廣贈我攜袖中芬芳自天上本
鮮俗累牽又獲同心賞經旬住綿城得此一日爽回
語琴道人明日再來訪

調元遊玉京山景樂宮聽道官劉虛靜彈琴一首到

門琴忽止羽扇出前軒便請閉雙戶凝神爲一彈焚
香翔白鶴度曲引青鸞此去蓬萊近微嫌尙作官遶
屋蕭蕭竹人閒無此幽忽聞過站馬驚退出關牛地
好偏隣郭仙居只愛樓知君日無事坐對水悠悠

東山寺巖下有川王石龕

玉京山漢嘉訓導朱光庭石龕川王碑記能禦大災
捍大患有功德於民者則祀之非是族也不在祀典
名曰淫祀淫祀無福玉京山道士就紋江石岸刻龕
肖川王像祀之工竣請記其事余曰道士知川王爲
何人乎曰秦李冰也曰非李冰趙昱也隋青城人趙

昱與道士李旺遊屢徵不起後煬帝辟爲嘉州守時
州有蛟患昱令民臨江鼓噪與其七人仗劍披髮入
水斬蛟奪波而出江水爲赤蛟患遂息開皇間入山
踪跡之不復見後運餉者見昱乘白馬引白犬偕一
童子腰弓挾彈以遊唐太宗封爲神勇大將軍廟祀
灌口明皇幸蜀封赤城王宋張詠治蜀蜀亂屢得神
助蜀平事聞封川主清源妙道真君是川主趙昱也
非李冰也有功德于蜀者也道士曰然則刻石龕肖
像祀之無乃不可乎曰昔蘓長公爲潮州韓昌黎廟
碑文云公之神在天下如水之在地中無所往而不

有今刻石肖川主像祀之安知神之在石不猶水之
在地乎道士笑而請曰願卽以是爲記玉京山住持
道人譚至正

江南貢生周文麟東山寺詩并序羅江宰沈公潛余
中表昆也延予隨羅三年會沈公卒于官清貧未歸
因縣尉劉公定並邑人延予授徒留東山寺因感懷
偶作城外東山一片青無邊景色在山靈參天老栢
爲冠蓋繞舍修篁作障屏老衲聞鐘尋古寺遊人隔
水望潺亭閒看山下紅塵擾馬足車輪總未停 同
是山高共水長眼中景物意中傷賢候白髮悲前路

羈客青山望故鄉淡月微雲蕭寺外凄風苦雨古城
旁閉門且讀離騷句飲露餐英問彼蒼舊縣志

大井舖縣東十五里有明萬歷四十五年十月十五日
都察院役舖兵碑

金山舖縣東十五里即古金山郡驛站又有崇正十五
年七月都察院禁役舖兵碑

調元宿金山舖拜東嶽廟詩二首森森無患木陰稠
東嶽行祠在上頭一夜拜香眠不得看書惟借佛燈
油入夜何須秉燭遊天街自有月光留人聲已靜雞
聲起誰對疎燈話酒樓

東嶽廟縣東三十里去金山舖一里有明天啓七年碑

調元夜宿東嶽廟恭迎仁和孫補山節相准大員年

老優免當差詩四首黃閣元勳再鎮邊岷峨歡氣遍

閭屢羣臯出塞兵三路嚴武回朝帥兩川燮理陰陽

沾澤溥節和風雨沐恩偏老農家住金山下望見旌

旄喜欲顛 和如靄日肅如秋百鍊堅剛遠指柔師

誼未忘存趙氏公房師義烏令趙宏信已沒君恩深

諱伐交州公征交趾已連破其城封爵上公五銖不

待黃牛復蜀中自乾隆四十三年後錢多私鑄以至

私錢其獎始絕雙轂爭看白鹿輪如此福星如外借 九重

西顧復何憂 文武才原將相兼
連籌難得是神恬 一車兩僕清如水
萬騎千軍靜若箝 竹馬兒童望風拜
杖藜父老惜霜髯 就中獨有支離叟
感泣私襟涕盡沾 歸來鴛鴦化鷓鴣
只把烟霞自樂娛 得句每遭人敗興
清狂非是自身污 愧非徐孺蒙分榻
豈料文翁再商符 從此漁樵亦安堵
殘山剩水任妻孥

羅江至雞鳴橋四十里 交綿州界

雞鳴橋西山勢蜿蜒古明月坡也舊有碑記坡下有泉涓涓若滴味如玉乳山人魏鳴臯酌而甘之修治成井護以松竹辛丑歲其叔解元倣祖為題精泉二字於石

自是精泉名始顯綿州諸生嚴履豐有精泉賦

嚴履豐精泉賦伊一泓之秋水具萬斛之源泉拂雲根而味美溜石罅而色鮮鳴琴則涓涓而繞韻漱玉則皎皎而同妍豈曰無源非刺山於此曰是為有本問剖竹以何年原夫泉也者或則稱醴或則稱温當暑則氣尤冷冽逢秋則色更澄清嘉名雖由人以肇甘漿寔自天而成維羅邑之勝地寔蜀國之佳城驛號金山素練流十里之外坡名明月雪花連數武之陰雖非元酒太羹之美堪比瓊漿玉液之精則見靜鑑盈盈流波瀾瀾包天列五行之先盈科為四海之始

飲而覺爽冰心止許伯夷涸亦尤歡矯廉誰稱仲子
牽來竹影青可畫眉惹動柳陰綠堪彈指於是時而
春也則數點硃砂紅郁郁蓋面映桃色也時而夏也
則一塘翠蓋綠英英蓋背翻荷葉也時而秋也則羊
羔美酒可以山頭望月也時而冬也則獸炭圍爐可
以烹茶煮雪也井而非井固衆山之所同而泉又滋泉實
此地之所獨又或夕陽西暉月影漸移風停波定之
候霞落鷺飛之時泉聲清兮牧笛閒閒相上下泉色
澄兮銀河耿耿共高卑蓋其一源引出百尺通流迥
異青萍之渚寧同紅蓼之洲惟雁賓鷗戲之弗及故

吞月懷珠而自優所以三漢神娥疑瑤池之倒挂七
襄織女愛昆明之下浮試問名於軒漿覺後先原自
有異將比祥於堯醴豈古今迥不相猶也哉

羅江縣東北三十五里由金山舖至白土寺五里由白
土寺至馬馳寺二十里

馬馳寺有寺在山谷中四時水溢可以灌田近日忽枯
涸土人浚之得龍首骨中有珠衆競視之忽然雷大震
珠復墜于井中 名勝志

馬馳 一作池誤 井羅江縣東北三十里禱雨輒應 萬歷四
川總志

正覺寺在鳳凰山馬馳井後山明初建比丘妙叢重修

有碑

明高第羅江縣鳳凰山修正覺寺碑記距羅江二十
五里許有鳳凰山者蓋以形似得名一名馬馳則謂
其山巔巨石肖馬跡存焉爾也山脈自安縣迤邐而
來四顧有情風氣攸聚前有土主神廟據之靈響甚
著不知助於何代無所於考至我國朝始建爲寺曰
正覺則在其後山之阿歷載滋久頽敝日甚其中中
比邱妙叢則慨然以修理爲事肇工於正德己卯迄
工於嘉靖癸丑自神廟以及寺宇前後殿天王殿祖
師堂齋堂兩廊僧舍皆易以美材加之斧藻靡不精

麗又粧塑諸佛祖天神天王諸像靡不煥然改觀其
費皆出其力耕之餘日積月累相時而圖間有鄉居
善士助其不及者則亦不辭是故歷三十餘年而後
完美其用心亦勤且夙矣夫今之時非如來所謂末
劫耶其教法行于中國已非一日而末劫之人雖投
身沙門號爲佛氏之徒者亦往往畔教而放恣日營
營以爲身謀况諸凡民乎妙叢之重其教不私其財
而爲是不朽之圖者可不謂難得矣乎叢且年幾七
十貌癯而神清宛然一大阿羅漢也厥工旣畢叢又
肆設水陸報恩諸大齋以爲幽明之助乃今無復爲

有爲法矣余聞叢別爲禪室頗幽僻于是乎從事於無爲以求如來向上事則法中所謂福慧雙修叢當兼有之矣其庶幾無忝于兩足尊而茲山將不因叢而益重耶余旣爲記之又從而勗之夫道豈遠乎哉古德有云卽心是佛是在叢用心何如耳叢俗姓彭氏潼川州和鄉人幼而師事本寺比丘曾天曾天爲默庵入室弟子則常受法于雪峯禪師者也其詳別有紀載故不多及其諸相助善士有不可泯則善諸碑陰昔嘉靖三十二年歲次癸丑秋八月吉旦賜進士弟中憲大夫前雲南提刑按察司副使左綿高第

換郡人鳳岡方妙恩徒永乾協心立石

明釋桂菴洪靜禪師藏身碑記

師諱洪靜字默菴古渝棠人也姓黃氏母曾生師貌古德性寬柔蚤遊釋闡惟慕出家其親遂捨於邑之西禪投禮吾祖雪峯大和尚祝髮爲徒名曰洪靜具戒習禪傳之巾瓶八九載矣于一夜中焚香入室禮而跪曰予欲諸方雲水一回特來請問如何是見性成佛一着大事祖乃見其至誠懇切遂以從上七佛至於列祖以來不列文字遞相直指心源不踐階梯徑登佛地之旨而卽其心可嚶告戒許爾諸方涵養

去也不可以少爲是生死一着大事直要討箇分明
方可休心歇意子若到此田地徑來與你証盟師聞
命矣拜別辭之遂持錫不日而止於梓州張居士志
禮志通作成住玉隱山寶峯山掛錫落包隨時飲喫
數叩通法院清瓊禪師究明生死四大無常迅速以
得心法守分甘貧罔覺名播大方由是前綉衣公姓
盛名最者除授羅江知縣下車以來徧謁境內山川
因到馬馳日其年代暨遠聖像儼然窮其源靈驗莫
測問其景則有仙井浴光龍洞曉霧古栢撐天鳳凰
撲地故號鳳凰山正覺寺其間則殿宇傾頽大廟則

从曠焚慰衆皆以師薦于盛侯卽者老涂鑑陳權持
書請以就命給以印信下帖推以住持師弟祖高不
幸幼而椿殞惟事曾氏八十有一晨昏定省孝養益
堅盛曰出家若子者鮮矣所感率其同僚暨諸掌吏
利武畧將軍張侯昨乃父乃子各捐已俸導諸旗老
士子張舍旻曷助緣禪師重修大廟以展禪林以致
正殿兩廊法堂齋堂三門退居端塑金容圓覺諸天
龍神祖師聖僧羅漢莫不恢恢焉晃晃焉雖古之祇
陀林不過是也且盛侯遵奉欽差巡撫汪并諸三司
保陞叙州府事去後不輟省願猶得張侯父子眷願

無怠又弗寧於是禪師後得新令尹汪侯自到任時仍與盛侯撫字駢新德政相耀其奉神衛教之心若同車轍香名并馳真爲民父母也吁太宰之善非筆舌能盡焉禪師一日造于荒山從容告曰人生霄壤所得緣聚而生緣散而斃然性命須無生滅而虛幻之質奚有堅耶吾茲于退居後豫造藏身之記非塔非塚平實成焉周圍方丈許上以砌石爲臺中豎其碑特於禪旨□□□愚謂性者天生至神壹靈之謂也命者先天至精壹氣之謂也性之造化係乎心命之造化係乎身是故身心者精神之舍也精神者

性命之本也學者罔知性命兼該知命者不明其性見性者不達其命天命終時莫知所歸惟聖而知者知性知命不生不滅終無所泥若子思于中庸首曰天命率性修道謂教皆是也天以陰陽五行化生萬物我而物我稟之爲靈覺之性照耀古今凝爲一身之主八識五官每聽命焉嗟乎南榮越問道老子云抱虛守一履道合真此性命之正也以宏辨禪師言之唐宣宗得以究明性命之端紫袍敕天下修祖塔各令守護以侯司所歷恐遇涅槃亦爲此也昔裴休禮黃蘗爲師亦爲此也今我禪師幸得摺紳君子衛教者

衆皆道所感然也豫修藏身之塔已就又以性命爲重而言也可謂上知天命之盛衰能順造化之消長可使百世之後目斯碑者如睹景星慶雲之美無以異也予筆述至此忽有客問如何是性命無生滅處予曰景換年摧天不易海枯石爛月還圓予雖不敏姑述此以塞其請文出桂菴之藏□書文者□□□□之永綱昔大明成化十三年歲舍丁酉正月初一日庚子朔詔盟官知縣汪顯典史羅勝千戶張瑋百戶李推日上

調元遊馬馳寺記馬馳寺在綿州北二十里中有靈

井爲州八境之一夫余家僅十里許髫年讀書鶴鶴寺寺去井不十里心夙慕之思一遊而未得後服官三十年時時在念人有問者愧無以應也今年九月二十六日黃葉初飛菊花滿地余弟龍山謂予曰曷不作馬馳遊乎余欣然便攜門人黃生從一奚童肩輿出門由馮家嘴山口小徑過雙石橋迤邐至寺寺在鳳凰山麓左爲九龍山橫雲擁翠迴環如抱右爲金頂山山頂一松如繖如蓋登山四望氣象萬千洵一大道場也殿宇五層第一爲樂樓樓下有巨石如馬足印痕寺所由名也二層爲靈官樓三層爲金剛

殿再上四層爲關帝殿再上卽佛殿矣所謂土主廟
已毀而基猶存兩廊十餘間僧二三人不免古寺半
落之歎禪房前有古桂樹大可數十圍蔭蔽一畝百
餘年物也西廊下有紫薇樹根幹奇古如攬如拏皮
脫而膚現搔之則動所謂怕癢樹也東簷有樹一株
如盃大葉似枇杷而長可尺葉皆叢于顛皮似白楊
異之僧曰此水冬瓜樹也六月開花八九月結子成
穗然究不知何木也殿前石臺下有碑爲明嘉靖三
十二年左綿高第爲比丘妙叢撰正覺寺修理記又
由外垣折而之殿後爲明釋桂菴爲其師默撰藏身

碑記四方砌石碑高一丈寬四尺所謂播亭碑動者
今已圯兩碑皆爲荆棘所縛而字尙明顯亟命子弟
與門生錄之顧所謂靈井獨不見僧曰井在山下方
家墳去此尙一里盍往觀乎遂命僮人肩輿覓路至
則井在野田中有兩婦方據井雪薑旁有兩汲甕曰
此必是矣問之果然其井面有整石板方其外而圓
其口縱橫八尺有圓石井蓋仰卧于地寬廣亦如之
問之老民曰此井向有浴光如佛背光然每風和日
朗井中絲氣或上則爛熳爲雲雨旱禱輒應故啓閉
必以時不知何年爲浴衣者所穢遂不復光今不靈

矣故不復閉然壩中民籍其泉以溉田可灌二百餘畝則仍食井之報也然不敢浴浴則病故皆尊之曰聖井云余聞而益異之視其深不過數尺而泉流混混晝夜不舍遂至澤及百家此而不靈更何為靈乎佛光之照若有若無何益民生則固不以此而易彼也使天而雨珠飢者不可以為食又何必詫龍珠出骨雷震復墜之奇奇怪怪哉老人與余弟皆以為然故記之

由馬馳寺西至風神廟十里東至楊家菴十里

羅江縣志卷四

邑人李調元雨村稿

南鄉

羅江南門至南塔五里

天台山在縣南山似吳之天台折腳之水出焉

太平寰宇記

王嘉會補修天台山記堪輿家動言形勢予嘗屏之而弗信謂其說近於誕不可盡諉之以廢人事也然而崧生嶽降自古誌之蓋山川靈淑之氣其間蜿蜒鬱積而不可解者不鍾於物則鍾於人故必有魁梧奇偉之士焉此乃理勢之自然不足深怪今必從而

悉屏之以爲不可信勿乃矯枉過正耶羅邑地雖最爾有明三百年間頗稱才藪若高節陳良翰金深吳瑛輩後先繼美彪炳一時可謂盛哉迨奉 聖朝雅化重熙累洽百年于茲宜乎士之乘時奮興蜚聲藝苑者所在多有而羅邑人士往往以青衿終老自順治庚子科後八十餘年登賢書者指首一屈又何衰也此豈昔之易而今之難歟抑或廢興有由而所謂形勢之說多缺畧而未講歟庚申仲予膺簡命來蒞茲土爰於課士之餘問厥所由邑人士告予曰城南里許有山名天台北望雲蓋西臨大霍蓋一邑形勢

之所在也舊有文筆峯遭兵燹後傾圮者久矣羅之頽頽不振或職此之咎歟予聞是說而信之乃率邑人釀金補其巔三閱月而工竣孤巒出雲巋然屹立向之所謂文筆峯者宛然如繪將自茲以往人文蔚起甲第連甍宰是邑者與有榮施伐石記事之請予雖不文亦烏能辭然猶有說孔子云譬如爲山未成一簣止吾止也譬如平地雖覆一簣進吾往也茲山崩頽剝落不知經幾歲月而一旦慨然有志修之不數月而告成此平地爲山之明效大驗也使邑人士以此爲山之志轉而爲學窮經稽古斬爲國家有用

之才夫安知由小成以底大成不有較勝是山者乎予既喜其能修是山而又懼其狃於形勢遂因之以廢人事也故并著其說以爲邑人士勗焉乾隆五年

庚申

舊縣志

文筆峯南塔乾隆十八年知縣潘陽孫志祖建

知縣孫志祖重修南塔記嘗讀詩至崧高維嶽峻極于天維嶽降神生甫及申未嘗不掩卷而嘆曰人之傑地之靈也然人因地傑而地之靈尤必籍人工之培修而始顯乙丑冬銓補茲邑聞之竊私心自喜曰予得觀文光矣羅邑風稱文藪元宋以來弗深考有

明前代人文蔚起甲第聯鑣蓋煌煌乎盛地也迨抵任後調册按詳科第竟寥寥不數覲是豈今人之不古若耶抑兵燹之餘未嫻誦讀遂至微缺若斯耶予竊疑之公餘揖紳士父老詢其故僉曰城南外里許有天台山不知起自何時相傳上有南塔焉爲通邑文風所關國初以來傾塌如平地由是歷八九十年委頓不整辛酉前任王公宰是邦率邑人建之二水環流一峯聳峙是歲化楠李君鄉會聯傳而是科郭大有亦副鹿鳴自此之後未及一歲圯壞如舊迄今十年諸生落落不偶任與前等夫塔立而興也勃焉

塔廢而頽也忽焉邑士之興頽其追操券於茲山歟
抑成敗興廢天實主之非一塔之微能握造化之權
歟但稽之往古東澗西澗元公不憚相宅之勞而紫
陽朱子亦往往艷稱地理則斯言也亦未可厚非也
夫學問之道如山然其進其止皆在於吾諸生誠能
深九仞之懷切切砉之懼積小高大層累以幾於有
成亦若茲塔之高聳出雲崢嶸倚漢而突然塵埃之
表縱不克騰驤道路已足增光士林矣矧實至者名
自歸耶然則謂斯塔爲邑之文峯也可並爲諸生之
師保也亦無不可緣是記其事之始予之惓惓于諸

人士者以壽諸石

廣漢諸生張懷敷偕玉京山道官劉虛靜遊南塔詩
二首官路高於樹孤城小似拳大江流碧海一塔指
青天山密幽禽避雲深古佛眠夕陽霞不散化作蒲
江烟 綠岫烟霞古丹房草木幽花間迷白鹿松下
臥青牛塔勢飛南嶺鐘聲動北樓羽衣無箇事音韻
白悠悠

按二詩或誤入玉京山其實遊南塔作也應移于
此

南塔文昌宮碑記邑令孫志祖建

又志祖文昌宮碑記云文昌之廟祀於今也凡縣皆然矣而我羅獨缺予抵任有志建之而未暇壬申秋修南塔成借諸同人並邑紳士父老登高望之見山麓間有遺址空然而高士人曰此古廟基也俗呼南寺明季毀於寇遂成荒蕪予用是慨然曰此其文昌之宮也哉爰倡捐募化卽其地構廟三楹中塑帝君聖像或者曰茲非七曲山文昌之宮也得毋以帝君文明之主也塔所以培文峯者也其事有更相表裏者歟然使予僅以掌桂籍主祿位而建此也不幾啓後人徼倖之心哉考文昌先越雋人因報毋讎徙居

梓潼秦代而後屢著靈異是帝君固一代孝子也又秦惠王遺蜀王美女遣五丁運之帝君諫弗納怒逐之是帝君又一代忠臣也邑人士登斯山望斯塔瞻禮斯廟觀感具起焉不徒沾沾舉子業將求忠于孝移孝作忠後之過斯地者咸嘖嘖稱美曰此某忠某孝故里也不必登科登甲已大增士林光是爲吾黨榮矣况忠孝上格蒼穹寧有忠孝神而不錄忠孝人者哉又何必竊竊然以七曲疑也予于是爰筆而記之乾隆十八年孟夏月吉日

墨香泉八分詩刻

墨香泉

墨香泉註

泉源混混自天成
 最喜長平澈底清
 昔有文成將墨浣
 詎寬醪客引觴行
 荳香日煖滿芳徑
 樹色春暖腴古亭
 憶管蕤之若聞此也
 須雙筆草黃庭
 萬曆壬寅仲冬楚江
 夏外桂程宗道題

調元墨香泉序云墨香泉在羅江南塔天台山下
向聞玉京山道人劉虛靜爲余言欲遊未果今年正
月十九至東山邀虛靜同遊乃過芙蓉溪披荆剪棘
沿江而上有石曰釣魚磯亭廢尙餘柱跟折而東上
有巨石鑄上天梯三字爲邑人蘓宇姚大護書無年
月稍偏又有石書山高水長四字失名姓再上卽觀
音堂今爲邱氏祠堂翠竹青松與怪石相間旁石楷
書釣鰲亭三字石俱橫卧刻龜蛇魚鼈之形其有泉
滋滋流注廣三尺許纔如牛蹄洿而水黝黑終年不
竭虛靜指曰此卽所云泉也上有隸書二大字曰墨

香泉並題詩云泉源混混自天成最喜長平徹底清
時有文人將墨浣詎無詩客引觴并芷香日暖蒲芳
徑樹色春深腴古亭憶昔羲之若聞此也須醮筆草
黃庭萬歷壬寅仲冬楚江夏處桂程宗道題此碑向
爲州志所不載余因採入梓里舊聞並紀以
生好遠遊最近返不曉聞道南山下有泉出木表厥
名爲墨香未到已傾倒朝來同羽衣訪此小瑤島細
逕如羊腸曲磴隨飛鳥伊誰釣魚磯投綸餌陽鱗至
今餘柱礎亭廢已難考遂登上天梯便覺衆山小何
年觀音堂邱祠已改造翠竹夾青松小棘扶大棗亂

堆石亦奇刻劃工頗巧遙望釣鰲臺颯沓龜蛇擾忽
聞琮瑋聲俯見琉璃湫上有下有黑蛟沉上有盤龍繞
欲飲愁心黑成文試手撓黠黠陰氣多濁泥阿膠少
借問誰著書遺下洗硯沼得非烏玉珎又為唐生討
不然松滋侯曾於此浴澡復疑元香守甘澍從八禱
懍懍不能明誰復探幽渺細觀泐石人為明蓬宗道
詩固爽信清隸亦李斯好生為羅江人不識羅江寶
急付小肩膽留作縣乘稿

羅江西南有龍池山文獻通考

龍池山在縣東南三里山上有池池上有伏石如

太平寰宇記

又十五里有羅漢寺

有寶峯菴斷碑明崇禎五年立

寶峯菴斷碑

按寶峯菴卽今余家菴也今毀存此十篆字下以

查全碑

明鐘

慧覺寺



按明鐘可知建慧覺寺之由來

南至濳子口三十五里 交中江縣界

黃水河過羅江東門河八里往南係山

五郎溝至金山舖倒石橋入境 鄧家

三倒拐羅綿交界約一里即濫泥溝鼎元驥元兩翰林

父墓在焉有墓誌銘

語封文林郎李公香如墓誌銘

化樟字香如號潔溪羅江人祖美實生英華英華生
 化楠化梗三即君也生而沉毅好讀書受知督學葛
 克明先生為上庠屢應鄉試薦不售自知不投時好
 乃奮力于古之教子必子擇師之論遠邇必負笈隨
 後從旁督見師講不合即擣子去人稱善教子生平
 喜行善事家愈困行善益力稍有餘則以周鄉里之
 貧乏者常述程子語語人曰一介之士苟存心于愛
 物于物必有所濟若必有餘而後濟人則終身無濟
 人之日矣以故鄰里緩急來告無不量力應間有立

券者屆期無償以情懇輒爲焚券然性嚴介寡言笑
見人作非禮卽面斥爲人排難解紛無阿私有構訟
者得府君數語曲直立判遂罷訟後以日用不支棄
農學估共事三人君專掌出入或有語君曰筆下多
撇便足致富君曰冥冥中何可欺耶卒無毫釐私
歷半載獲利千餘金歸成都聞故人子楊四知者以
負官項繫獄杖病殆死君解囊代償之出之獄故估
亦無獲嘗慨然曰人生功名必由積累吾祖忠厚傳
家譬如山然愈高愈積自問無虧心事旣不得功名
于身將必得之吾子旣而長子鼎元次子驥元相繼

成進士入翰林勅封如其官三子本元亦中鄉試人
皆謂爲行善之報云性孝友事親每食必嘗長兄卽
順天北路同知府石亭公師事尤謹獨次兄其勝未
得一官屬鼎貽封以成全美五十年恭遇 國壽君
年合例奉 旨入千叟宴與宴于 乾清宮 欽賞
御製千叟宴詩一章壽杖朝珠如意綉綾洋盤螺
爵磁鈎皮盤各一貂皮紗綾各二有恭紀 聖恩詩
蒙 恩刻入千叟宴詩集宴畢又恭和 御製元韻
詩曰春王正月正春妍法 祖重開玳瑁筵萬壽無疆
欣就日 一人有慶遇斯年瓊膏玉液沾 恩渥海

錯山珍荷 賞延獨有微臣歌既醉賡揚頻聳作詩
肩即日又恭繪 御賜諸珍圖各紀以詩合刻成集
真異數也卒年享壽六十一賜進士及第經筵講官
誥授光祿大夫東閣大學士禮部尚書兼管禮部事
務南書房尚書房行走軍機大臣韓城通家弟王杰
頓首拜撰

羅江縣志卷五

邑人李調元雨村稿

西鄉

西寺城西一里有憇亭

王嘉會憇亭記羅雖葺爾邑而介在隴蜀爲往來孔
道冠蓋相望歲無虛日以故官斯土者迎送之事最
劇郭外半里許西寺下舊有屋三楹不幸爲風雨所
破壞予乃偕廣文廖君駐防駱君縣尉劉君重葺之
凡有迎送輒止其中而題其額曰憇亭嗚呼豈謂予
與諸君子馬蹄逐逐至此暫憇云爾哉凡吾邑之出

者入者四方之往者來者以及負戴奔走困頓飢渴
思息肩而駐足者皆可憇也是則予名亭之志也夫
乾隆壬戌仲夏

獅子橋縣西一里 舊縣志

萬安驛在羅江縣西舊經云唐明皇幸蜀至此聞驛名
嘆曰一安尚不可况萬安乎移宿真明寺舊驛碑所載
如此 方輿勝覽

昔有碑書一安且不可之句云是立宗親筆今亦毀蝕

圖經

宋張績萬安驛詩勁兵重作付胡奴毆雀毆魚計自

踈地入萬安知幾許却憐此地始回車 全蜀藝文志

按續字季長蜀唐安人隆興元年進士官大理少

卿

七里橋縣西七里下即芙蓉溪 舊縣志

白馬山郡國志云昔漢高帝乘白馬過此途有祠 太平寰宇

記

按白馬山今為白馬關考漢魏地理志以下至元

和郡縣志以上諸書俱不載白馬之名始見于宋

樂史太平寰宇記據引郡國志則漢高乘白馬過

此途有祠是白馬乃漢高遺跡也今俗傳昭烈與

龐士元換白馬中流矢乃出自小說三國演義因

高帝白馬而附會其說不可據也

白馬關在縣西南十里與鹿頭關相對

太平寰宇記

白馬關山至險峻有小徑僅容車馬三國時營壘也其
下為落鳳坡鳳雛先生龐士元侍昭烈于此卒于流矢
下其葬在鹿頭關桃花溪東岸葬時人見白馬逸出

讀史

方輿紀要

漢龐靖侯統士元之墓

漢龐統傳龐統字士元襄陽人也少時樸鈍未有識者
賴川司馬徽清雅有知人鑒統弱冠往見徽徽采桑于

樹上坐統在樹下共語自晝至夜徽甚異之稱統當為
南州士之冠冕由是漸顯後郡命為功曹性好人倫勤
于長養每所稱述多過其才時人怪而問之統答曰方
今天下大亂雅道陵遲善人少而惡人多方欲興風俗
長道業不美其譚即聲名不足慕企不足慕企而為善
者少矣今拔十失五猶得其半而可以崇邁世教使有
志者自勵不亦可乎吳將周瑜助先主取荊州因領南
郡太守瑜卒統送喪至吳吳人多聞其名及當西還並
會昌門陸續顧劭全琮皆往統曰陸子可謂駑馬有逸
足之力顧子可謂駑牛能負重致遠也謂全琮曰卿好

施慕名有似汝南樊子昭雖智力不多亦一時之雋也
績劬謂統曰使天下太平當與卿共料四海之士深與
統相結而還先王領荊州牧統以從事守耒陽令在縣
不治免官吳將魯肅遣先王書曰龐士元非百里才也
使處治中別駕之任始當展其驥足耳諸葛亮亦言之
於先王先王見與善譚大器之以爲治中從事親待亞
於諸葛亮遂與亮並爲軍師中郎將亮留荊州統隨從
入蜀益州牧劉璋與先王會涪統進策曰今因此會便
可執之則將軍無用兵之勞而坐定一州也先王曰初
入他國恩信未著此不可也璋旣還成都先王當爲璋

北征漢中統復說曰陰選精兵晝夜兼道徑襲成都璋
旣不武又素無預備大軍猝至一舉便定此上計也楊
懷高沛璋之名將各仗疆兵據守關頭聞數有牒諫璋
使發遣將軍還荊州將軍未至遣與相聞說荊州有急
欲還救之並使裝束外作歸形此二子旣服將軍英名
又喜將軍之去計必乘輕騎來見將軍因此執之進取
其兵仍向成都此中計也退還白帝連引荊州徐還圖
之此下計也若沉吟不去將致大困不可从矣先王然
其中計卽斬懷沛還向成都所過輒克於涪大會置酒
作樂謂統曰今日之會可謂樂矣統曰伐人之國而因

以爲歡非仁者之兵也先王醉怒曰武王伐紂前歌後舞非仁者耶卿言不當宜速起出於是統逡巡引退先王尋悔請還統復故位初不顧謝飲食自若先王謂曰向者之論阿誰爲失統對曰君臣俱失先王大笑宴樂如初進圍雒縣統率衆攻城爲流矢所中卒年三十六先王痛惜言則流涕拜統父議郎遷諫議大夫諸葛亮親爲之拜追賜統爵關內侯諡曰靖侯統子宏字巨師剛簡有臧否輕傲尚書令陳祗爲祗所抑卒於涪陵太守統弟林以荊州治中從事參鎮北將軍黃權征吳值軍敗隨權入魏魏封列侯至鉅鹿太守

三國志

先王與統從容宴語問曰卿爲周公瑾功曹孤到吳聞此人密有白事勸仲謀相留有之乎在君爲君卿其無隱統對曰有之備歎息曰孤時危急當有所求故不得不往始不免周瑜之手天下智謀之士所見畧同耳時孔明諫孤莫行其意獨篤亦慮此也孤以仲謀所防在北當賴孤爲援故決意不疑此誠出于險塗非萬全之計也

江表傳

統說備曰荊州荒殘人物殫盡東有吳孫北有曹氏鼎足之計難以得志今益州國富民強戶口百萬四部兵馬所出必具寶貨無求於外今可權借以定大事備曰

今指與吾為水火者曹操也操以急吾以寬操以暴吾以仁操以譎吾以忠每與操反事乃可成耳今以小故而失信義于天下者吾所不取也統曰權變之時固非一道所能定也兼弱攻昧五伯之事逆取順守報之以義事定之後封以大國何負于信今日不取終為人利耳備遂行

九州春秋

初平中益州牧劉焉自綿竹移雒縣城築關門云其地不王乃留孫修據之建安十八年劉先主自涪攻圍且一年軍師龐統中流矢死先主痛惜言則流涕廣漢太守南陽張存曰統雖可惜違大雅之體先主怒曰統殺

身成仁非仁者乎即免存官

華陽國志

建安十八年夏五月劉璋遣將吳懿等拒劉備敗績皆降備進圍雒城十九年夏四月分遣雲從外水定江陽犍為飛定巴西德陽龐統中流矢卒

通鑑綱目

按綱目質實註雒城即雒縣明一統志云廣漢漢之郡名治雒縣東漢為益州刺史治所晉為新都地宋齊梁為廣漢郡隋併入蜀郡唐置漢州天寶初改德陽郡乾元初復漢州宋仍舊元以雒縣省入本朝因之改屬成都府據此則雒城即國朝之漢州也舊縣治以羅江為雒城誤矣乾隆二十八

年邑令楊周冕築城于北寺下古阜封之爲張任墓更于潺水交流處立橋名金雁橋邀作碑記予爲辨明雒城實漢州事遂寢蓋羅江在漢時乃涪縣地劉甲人物志序曰唐以前凡稱涪城卽今綿州也若使雒城爲羅江則朱子綱目於建安十七年冬十二月大書曰劉備進據涪城不應又于十八年夏五月復書曰進圍雒城矣白馬關三國時營壘去雒城七十里安知非攻雒城時中流矢卒而葬于此乎落鳳坡之名想亦後人因鳳雛死于此而名之未必當時有此坡名也果令有之何以

唐元和郡縣志及宋九域志地輿廣記寰宇記方輿勝覽明一統志皆不載其各國初顧氏讀史方輿紀要白馬關一條下始載其名蓋自近時人有立落鳳坡三字石于道旁者顧氏因採之連葬時洞中有白馬逸出之言俱未深信也

鹿頭山有鹿頭關古老云昔有張鹿頭于此造關因以爲名 太平寰宇記

鹿頭關唐高崇文擒劉闢于此 方輿勝覽

鹿頭關在成都府漢州德陽縣北三十里鹿頭山上南距成都百五十里東西兩川之要道也唐建中四年劍

南西山兵馬使張胤作亂入成都鹿頭城將叱干遂討
平之元和元年劉闢以西川叛紹高崇文討之闢城鹿
頭關連八柵屯兵拒守崇文擊敗之闢又置柵於關東
萬勝堆或謂之萬勝山崇文遣將高震萬攻奪之下瞰關城八
戰皆捷大將阿跌光顏引兵深入軍于鹿頭關西斷關
糧道于是鹿頭綿江諸將皆降遂起成都中和元年黃
巢亂關中帝自興元幸蜀西川節度使陳敬瑄迎謁于
鹿頭關四年楊師立以東川叛高仁厚自西川進討屯
德陽師立遣將鄭君雄據鹿頭關拒之仁厚曰攻之則
彼利我傷因立十二寨圍之既而悉眾陳于鹿頭關城

下君雄出戰敗遂棄關走仁厚進圍梓州光啓三年王
建自閬州應田令孜之召詣西川陳敬瑄復拒之建怒
破鹿頭關敗西川兵于綿竹拔漢州後唐莊宗同光二
年九月遣魏王繼岌郭崇韜伐蜀前鋒至綿州綿江浮
梁為蜀人所斷紹琛謂李嚴曰吾懸軍深入利在速戰
但得百騎過鹿頭關彼且迎降不暇遂乘馬浮渡襲入
鹿頭關進據漢州蜀人迎降蓋自關以西道皆坦平故
西川恒恃此為巨防也讀史方輿紀要

羅江舊縣南落鳳坡有漢龍鳳二公祠祀武侯龐士元
逆獻之亂其部將孫可望燬之夜夢士元為厲懼而新

之壯麗倍往日王屏藩亂蜀嗣復燬今惟一石狻猊尙存隴蜀餘聞

孫可望與李定國皆張獻忠義子冒張姓號東府西府後獻忠敗死俱走入滇戰敗乃降封可望義王世襲賜第東長安門外可望死其子徵灝襲封康熙十二年降封慕義公蜀綿州鹿頭關龐士元祠可望重修有石坊大書偽銜柱國太師兵部尙書凡數百字猶稱張可望云池北偶談

唐杜甫鹿頭山鹿頭何亭亭是日慰飢渴連山西南斷俯見千里豁遊子出京華劍門不可越及茲險阻

盡始喜原野濶殊方昔三分霸氣曾間發天下今一家雲端失雙闕悠然想揚馬繼起名碑兀有文令人傷何處理爾骨杜詩

鄭谷蜀中馬頭春向鹿頭關遠樹平蕪一望間雪下文君沽酒市雲藏李白讀書山江樓客恨黃梅後村落人歌紫芋間堤月橋燈好時景漢庭無事不征蠻

雲臺編

宋趙抃過左綿偶成東西再守二年間徙蜀何須問險艱入覲已違龍尾道出麾還過鹿頭關與民共約三春樂顧我都忘兩鬢斑歲滿乞骸何處好仙棋一

局欄柯山 清獻集

宋陸游鹿頭關過龐士元墓士元死千載淒惻過遺
祠海內常難合天心豈易知英雄千古恨父老歲時
思蒼蘚無情極秋來滿斷碑 劍南集

張漢白馬關龐士元祠尋訪當年龍鳳姿兩公伯仲
合同祠伏龍未起三分定落鳳前占一死奇蜀魄有
聲悲杜宇楚魂無地赴湘壘風雲不了英雄事腸斷
空山暮雨時

周文麟龐靖侯祠王路馳驅謁靖侯魏我廟貌屹千
秋卧龍早解三分定雛鳳還爭一計優壘壘青山祠

外曉森森翠栢墓前幽南州冠冕人何在坡上猶餘

浩氣浮 舊縣志

李化楠謁靖侯祠夾道陰森漢代松靖侯祠墓白雲
封三分已奪曹瞞氣中計能邀漢主從不改蒼山長
壽鬱徒留碧血恨重重漫言落鳳魂孤寂明月相歡
有卧龍

調元鹿頭關謁龐靖侯墓祠內並祀武詩江鎖雙龍
合關雄五馬侯益州如肺腑此地小咽喉事急爭雞
口時平失鹿頭至今松栢塚風雨不勝愁 誰言此
州小曾有鳳雛來首獻三條計洵非百里才生無慙

驥足死合遣龍陪一自星飛後千山澗水哀

棲鳳亭乾隆五年知縣李德瀚建周文麟記

羅江縣南十五里有羅墳山

元和郡縣志

綿州羅江縣羅墳山有羅墳洞昔羅真人名墳修道上昇之所也其洞凡有水旱疾癘禱之靈無不應太平興國五年庚辰歲中秋彩霧輕烟月光如畫香風瑞氣瀾漫山谷四遠村民登層巒而望之唯聞音樂環珮之聲遲明但見車轍之跡去洞十里餘闊一丈以來礮土深三四寸其轍跡隨山勢高下直至洞門迤邐狹小卽不知神仙乘車出洞耶音樂之聲晝夜不絕遂聞諸州縣

時殿前承旨兵馬監押知縣事陳覃縣尉鄒崇讓等詣仙洞觀茲轍跡樂聲以事奏聞詔大九井山虎耳先生李洞賓賞香於洞前設醮禮察視之由以祈靈則虎耳先生大名府有道之士時呼爲李八百云已八百歲如五十許童顏鬢髮行速言徐每駐足士民聚觀者如堵先生卽於懷袖中採取銅錢二三文撒之則稍得人退因是每十步二十步取錢一撒至暮懷袖之中錢無缺焉翌日與官入洞行十里已來唯聞異香襲人樂聲隱隱人吏各持香燭屏息捫藤足履嵌崿魂竦汗瀝先生步無差跌神氣自若出洞之時衣履之上無泥滓露汚

之跡 茅亭客話

明石鼓墩



羅真觀石鼓高二尺周圍一尺腹徑二尺式如鼓四面
鐫夔龍文中刻七字大明正統元年造蓋僧家坐墩也
大霍山蓬萊坊

明丁宇耀蓬萊坊修道記羅江縣良募蔡公文舉原
係湖廣黃岡縣人同本山王庠貴郭胡良郭鳳因祈

雨見道不平發心修補山門至蓬萊

道路七十五

丈善果既降立碑為記以為引道接

之階邑庠生

丁字耀題大啓四年孟秋月吉旦

大霍山有羅真宮宋何彥真有記山麓有丈餘磐石耕
者每宿其上輒夢云接引佛上可宿耶驚以告寺僧掘
其下果得像若天成不事雕琢 各勝志

羅江大霍山下有洞臺司命君之府也中有神靈瓜食
之心通至玄 黃庭經註

羅江縣釋僧羣者居霍山構立茆屋上有石池如盂深
可六尺常出清泉 劉敬叔異苑

僧羣清貧守節蔬食持經居羅江縣之霍山構立茅屋
孤在池一作海中上有石盂水深六尺常有清流古老相
傳是羣仙所宅師因絕粒其菴舍與石盂隔一小澗常
以木為梁由之汲水年至一百三十忽見一折翅鴨當
梁頭師將舉錫撥之恐其轉傷因此回歸遂絕水數日
而終臨謂左右曰我少時曾折一鴨翅也

太平興國年有人乘車往來山中石上有新轍迹深三
尺餘石五色知州仲士衡緣迹至洞口聞雞犬聲湘山野錄
文釋書龍洞仙踪壁刻云太白山道人李洞賓實內庫
孔香二十斤諸靈山相度仙洞焚燒初抵劍門遘老人

之告闕次離巴岸逢孤鶴以來迎及屆洞中睹雙童之
出入已臻巴岸見玉輅之踪由又領音樂淒清羅鉞疏
越若非吾道神變其孰能與于斯乎勒於洞門以為他

年會語張本輿地碑目

總領六卿湯公紀行斷碑

總領六卿湯公紀行斷碑

石湯公斷碑祇有上半截在觀音殿後僧覆其背用作
砌石余命僕人洗拭得篆文八字碑工但楷文多難解
湯公俟掘出砌石再考

明涇陽令吳白崖墓在大霍山頂旁有張素挽詩碑又
一碑爲吳仰山墓明翰林院編修劉宇亮題

明張素挽涇陽令吳白崖詩楚望家聲舊蠶叢慶澤
延百年敦積善聞世特生賢淵角人爭羨周才地所
遷撫謙宜左右素履慎周旋輪翮輕千里詞鋒動四
筵好修金作礪炯介石維堅雅度觀昭曠懿章逼太
玄禰衡僉曰睿韓爽獨稱妍鑑賞驚前達源流遡昔

傳續經登抑簡強學絕韋編但使安茲巧何妨坐榻
穿尾龍方入夢鸚鵡遂冲天合浦珠光媚豐城劍氣
連允諧歸櫂願未了榜花綠德驥鳴吳坂靈蛇兆蜀
阡明蟾三五缺美玉始終全能子徵廬墓爲郎戒飲
泉趙張琴逸駕元魯合隨肩姘節凌西華和風滿北
埏深仁漸葑屋薄罰示蒲鞭黔首欣成貸青衿豫采
甄迤亡爭復業游惰亦于田竹閣疎簾靜花村吠犬
眠雉馴三異見虎斃一誠虔篤信推陳寔豪強畏董
宣效忠依日月利用得坤乾淳化歌來暮涇陽喜作
先峻階應午步逆豎苦相煎解組鳴飛鶴遺榮等脫

蟬相如剛謝病康直遽遊仙賈傅臨單闕牟尼悟寂
禪書香高節在政績口碑傳錦水全文藻眉山晷夜
然友朋悲宿草林麓怨啼鵲列宿沈滄海佳城鎖夕
煙無憂端可喜有後足光前三葉恢三葉登羸裕四
銓牛刀盤錯試鸞誥寵恩偏茂典榮長世英雄歷九
淵朱絲恒奕奕戩穀且綿綿嘉靖春二月吉日賜進
士出身廣西布政司參政安寧碧泉張素謹題男知
州吳士達偕弟士達士遷立婿生員可懋書

羅江縣南十八里至廣濟橋交德陽縣界

羅江縣西北二十里山鹿頭關西至換馬溝十里即換

白馬之訛而並訛為王莽溝也再十里下至畧平古村
鎮也有塲南交德陽綿陽江界

火神廟旁有牛王廟新建樂樓碑記

調元畧平牛王廟樂樓碑記牛王者何也農耕田必
用牛牛於農有功故神之為王而共祀之也樂樓者
何也每歲祀牛王必演劇劇必有樓所以悅神而共
樂之也牛王廟不知始于何時惟列異傳載秦文公
立怒特祠應肇於此今諸廟多塑像如觀音而以牛
為坐騎稱之為牛王菩薩不知何故考清異錄陽翟
莊合有田老者謂牛為黃毛菩薩大抵皆農人以牛

爲命故尊之曰王而親之曰菩薩也王制諸侯無故
不殺牛註穀者民之命牛植穀王法禁殺故本朝
世祖章皇帝首重殺牛之戒而各處地方有司並
嚴湯鍋之禁蓋爲此也夫戒殺牛非細事也昔齊宣
王不忍一牛孟子以爲是心足王使今人而盡推此
心則君卽堯舜也臣卽皇夔稷契也不忍於牛卽不
忍于人矣故曰足王也今之祀牛王而並建樂樓者
豈非不忍之心所感而並思悅牛神以求保衆牛哉
考大玉匣記牛王神誕本在七月二十五日今以十
月初一爲祭日者蓋七月農方收穫故相沿改期以

便民也畧平牛王廟本無樂樓今之樂樓乃嘉慶三
年十月某日衆士民捐資所創立例刻名於碑陰而
總其事者覃泰山也

又十里西至黑泥寺山下有泉灌山田數十畝

夏十里西至黑龍山十里以東歸山曰燒山

勝其事錄事亦由也

平十日某日泉士吳許曾世除立國陝亦外縣也
野吳也其平中至漢本海樂縣今之樂縣又其也

蘇州府志 卷五

十六

